

四庫全書

史部

欽定四庫全書

硃批諭旨卷六十五

硃批張元懷奏摺

雍正四年三月初十日巡察河南戶科掌印給事

中臣張元懷謹

奏為敬陳彰衛二府地方情形仰乞

睿鑒事竊臣蒙

聖恩俾以巡察河南重任於正月二十九日抵磁州入

河南彰德府境至二月十九日巡察彰德州縣訖
於二十二日抵淇縣入衛輝府境至三月初六日
巡察衛輝府縣訖 臣察河南地方於雍正三年十
一月內始奉撫臣牌示編行保甲之法甲樹一旗
戶懸一牌自州縣以及村莊累累相望 臣竊以為
實力奉行不在塗飾耳目隨檄行各州縣令其不
時稽察務期實力遵行即沿途旅店 臣亦行文各
府照依保甲之法令其互相聯保一店盜竊互保

之店不行舉首俱行連坐重處又訪得黃河各渡

口間有不肖船戶暗通盜賊往來接應臣亦行丈

令將沿河過渡船隻俱連環具保稽查匪類臣查

彰衛二府強竊盜賊並無新案所有舊案臣已飭

該州縣嚴緝以寧謐地方所有三府驛馬俱各足

數其臆約有七八分不等再訪二府各官有輝縣

知縣趙希濂臣撫命其確加察訪果否優劣何如非

縣令之才再訪州縣錢糧火耗每兩加一錢四五

分不等合並奏

聞至於塘汛煙墩兵丁俱各守汛但兵丁箭上多不書
本兵姓名臣愚以為箭不書名甚有關係隨行丈
營弁今其書寫凡有煙墩俱係空設不裝糞草夫
煙墩原為瞭望起見臣皆令其裝實蓋好此臣巡
察彰衛二府情形理合繕摺恭進

睿鑒謹

奏

覽秦知道了實力行之毋怠

同日又

奏為請

旨事竊

臣

巡察河南至衛輝府屬寺兒山地方係汲縣

新鄉輝縣三縣交界之區其間去縣治各有四五

十里不等地勢曠野路徑紛雜並無營兵汛守訪

之土人皆云此地往往多盜且其地有大寺係明

代潞王遺址崇垣峻壁周圍二三里雖有僧人居

佳但形勢空濶亦易藏姦

臣

查舊案康熙五十八

年九月內山西客商秦璉被盜馬白等在山前刦

害於雍正二年九月內正法亦因此地曠野無兵

汛守故也

臣

愚以為必得安設汛兵以資彈壓如

事屬可行

臣

即移咨河北鎮臣河南撫臣俾公同

商議設立煙墩或三處或四處分撥防兵或十五

名或二十名撫鎮二臣定議報部

臣

為地方起見

伏乞

皇上睿鑒施行謹

奏

事關設兵安汛自當言之撫臣會商具奏

雍正四年九月二十二日巡察河南戶科掌印給

事中臣張元懷謹

奏為恭報微臣巡察河南各府州縣已周仰乞

睿鑒事竊臣奉

旨巡察河南於本年正月二十九日入境次第巡視通

計豫省一百十州縣今俱徧歷臣查各屬盜案自六月以後漸次稀少揆厥所由實因我

皇上聖德感召時和年豐二麥咸登三秋多稼所以中

州百姓戶慶盈寧人各樂業臣徧歷郊圻遇黃童

白叟宣布

皇仁示以緝盜安民之故並勸其勤儉以積粟守望以相助百姓聞之歡頌

皇仁語言質樸愈覺意向肫誠仰見

豫省風俗向稱醇樸
皇上聖德感化之神而

兩河民風之醇矣至於各屬驛

站馬匹俱各足數惟據汝寧府署汝陽縣呈送驛

馬冊籍內開額設馬二十二匹內止收交代馬三

匹餘十九匹俱係老弱殘傷未經接受臣隨行丈

驛道查報續據該驛道回丈內稱署汝陽縣所有

未接馬匹業已買足隨經該署縣將馬匹趕赴查

驗臣親看逐一印烙交驛訖再河南衝路煙墩兵

丁俱各守汛房屋亦各修葺完好凡前項事件係

臣 巡察職任之事為此具摺恭

奏伏查吏部原議內開 臣等巡察官務於一年之內

徧歷各府等語 臣於正月間入河南境至九月內

巡察已周應否准 臣回京面

不必拘定原議候臣遵行周而復始再往巡視可也

奏河南事宜微 臣未敢擅便謹繕摺恭進

睿覽施行不勝敬謹待

命之至謹

奏

河南吏治較之他省可謂善矣至於汝有所見所聞處不妨隨時具奏但一切須秉公據實上聞不可聽人指使自取罪戾勉之慎之莫辜任用

巡察之職凡事以警戒為先慎勿過於嚴刻密之

雍正五年八月二十二日巡察河南戶科掌印給

事中

臣

張元懷謹

奏為微

臣

巡察河南各府州縣地方一周仰祈

睿鑒事竊

臣

蒙

皇上聖恩再留巡察豫省地方於本年二月二十七日

具疏恭謝

天恩隨於二月二十九日巡察河南五府七州所屬州
縣於六月二十五日渡河巡察河北三府所屬州
縣至八月十九日通省所屬地方巡察一周伏查

豫省強竊案件今歲較之往年甚少此皆由我
人之中有盜賊即如苗之有莠也宣在年歲豐歉只在
皇上聖德感召時和年豐春麥秋穀加倍收穫所以民
緝捕之勤情懲治之疎密耳真寶良民斷無因饑為匪
淳事簡盜案漸稀至豫省驛馬臣於去年各驛清

之理

查俱皆足數今年再行查點一年之內其中不無

各驛

每有暗借營馬支吾查驗之弊不可不知然猶屬

小過

倒斃更換然亦隨買補足額不致缺少再查衝路

可借

墩鋪兵丁俱各守汛各州縣額設壯丁五十名大

路

此叅植柳樹等事本年四月十一日准督臣田文

鏡咨送到

臣於臣所到地方隨便查驗以上係臣

巡察事件除有廢弛溺職之員移咨督臣查實主

稿

題叅外今臣巡察已周仰體

皇上宵衣旰食勤求治理之

聖心謹繕摺奏

聞以期稍慰

宸衷於萬一所有奉到

硃批合併恭繳謹

奏

欣悅覽焉

同日又

奏為奏

聞事竊

臣

於八月初十日巡察至彰德府准督

臣田大

鏡咨內開准山西護撫

臣

高成齡咨為妖言聚眾

等事移拏山西澤州案內逃犯楊世龍楊鉄山焦

養祿靳廣王君祿陳桂翟神仙郎裁楊副將衛智

劉三賈四即賈坤全田瓜即陳志榮申三樊百川

張冉公范溪衛四程廷賓等犯緣由咨會到

臣

隨密檄各府州縣嚴查速緝去後嗣復節次嚴催

在案除濟源縣已獲翟神仙宜陽縣拏獲楊世龍
楊鉄山富家宋文元寶豐縣拏獲陳志榮并子陳
雲州葉縣拏獲程廷賓外餘犯現在協同督臣嚴
催各府州縣多方躡緝上緊查拏緣係協緝晉省
要犯事件謹繕摺奏

聞謹

奏

此案人犯當盡力嚴督設法緝捕務令全獲內楊副將

斬廣二犯尤為緊要毋忽

雍正五年十二月二十二日廣西按察使臣張元
懷謹

奏為恭繳

硃批諭旨叩謝

天恩仰祈

睿鑒事竊臣於雍正五年十二月十六日在陳州西華

縣地方接准河南督臣田文鏡咨文荷蒙

聖恩越次超擢廣西按察使聞

命之下感激涕零伏念臣身受

國家養養深恩一十五年來俱係在京供職於錢糧

刑名之事絲毫未諳雖在河南巡察二年究與身

親民事者不同況粵西地近邊陲民獠雜處臬司

乃刑名總匯之地倘有一事未得平允所關匪細

伏望

皇上俯念臣顓蒙下材准臣進京跪聆

訓旨俾臣恪謹遵守或可稍免冒越之愆如蒙

恩旨俞允臣即輕騎減從馳赴

闕廷仰覲

天顏臣不勝敬謹待

命之至所有奉到

硃批奏摺理合恭繳謹

奏

往返千里徒勞何益即速赴新任可也粵西地方最為

緊要而刑讞乃民命所關當勉思盡職勿負擢用田文鏡之居心行事見許於朕係汝所深知者須以為楷模而仿效之直省督撫司道等官若不肯如是公忠任事而欲望朕姑容不可得也所訓汝者除將科甲朋比務虛名廢實政之陋習竭力改除之外餘無可諭勉之慎之欽哉毋忽

雍正六年九月十五日廣西布政使

臣張元懷謹

奏為恭謝

天恩謹繳

硃批仰祈

睿鑒事竊

臣

一介庸愚蒙

皇上聖恩擢用廣西按察使未及兩月旋蒙

聖恩擢用廣西布政使受

恩深重圖報無由夙夜兢兢恒懼隕越

臣

自本年六月

十二日到任藩庫銀兩於半月之內遂已盤查清

楚而通省倉貯穀石遵例委員清查因地方廣濶

各屬貯穀頗多至九月初八日各府州縣方行查

完出結到司

臣謹另摺奏

聞外前於

臣

赴粵之時蒙

聖恩頒賜

御書福字抵粵之後又蒙

聖恩頒賜柏梁體詩一冊疊蒙

恩遇有加無已

臣

惟有嚴以自律不敢一念稍寬詳以

處事不敢一時稍忽以求盡職而已所有原奉

硃批奏摺理合恭繳謹

奏

如是天志甚好遵奉前諭勉力為之

同日又

奏為遵

旨奏

聞事竊

臣

於本年九月初十日接到怡親王等寄字轉

傳

上諭各省藩臬有准其具摺奏事者亦有本人未曾奏
請具摺朕遂未曾降旨者今思藩臬乃地方大員應
准其各就所見所聞具摺陳奏且即此可以觀其人
之居心辦事爾等可寄信與廣西布政使張元懷伊
若有陳奏事件初次具摺差人交門上奏事人轉奏
嗣後從何處轉奏朕再降諭旨可也欽此欽遵伏念
臣本驚駭下質疊沐

聖恩屢加超擢凡有所見所聞理應具摺奏

聞乃蒙

皇上俯念愚蒙

特示明訓跪讀之下感激涕零謹將

臣

任內事件以及

地方情形分摺奏

聞伏祈

皇上睿鑒謹

奏

嗣後奏摺齋交大學士蔣廷錫處轉奏

同日又

奏為奏

聞事本年九月初十日西隆州知州劉德健報到土賊顏光色顏光東聚黨拒捕被圍自潰於八月二十
二日為其寨內土眾所殺業由撫臣具

題在案臣謹將本案前後情節為

皇上敬陳之伏查顏光色等恃險剽掠已非一日西隆
州知州劉德健詳請官兵勦擒三月二十八日提

臣田畯委遊擊常顯虎帶領官兵八百名往擒土田州岑應祺帶土兵七百名從之西隆州知州帶土勇八百名駐劄弄高西林縣知縣韓三善帶土勇一千名駐劄八陽漢土官兵不為不多此時土賊寨中礮臺未築木柵未樹顏光色見官兵驟至令人詐降乞緩攻五日率衆出投遊擊常顯虎信而許之以致土賊礮臺木柵暗行修築遂敢抗拒官兵自四月以至八月官兵陸續增添廣西提鎮

各標官兵一千六百五十四名貴州安籠鎮漢土
官兵二千五百五十四名雲南廣羅協會同廣南
營漢土官兵二千二百名前後三省共發漢土官
兵九千七百零八名俱係准咨開載兵數其運糧
守隘土兵不在此內至於軍前需用糧餉奉督撫
牌行司庫共發銀二千六百兩西林宣化隆安武
緣等縣共報發銀二千五百五十二兩俱於二釐
耗羨及公用銀兩項下動支其軍前支給口糧以

及沿途供應軍精應俟旋師之日各該州縣冊報
到日彙核實數具摺奏

聞謹

奏

此應題奏事件核明實數之後該督撫自然具題何庸
汝摺奏耶

雍正七年正月二十五日廣西布政使臣張元懷
謹

奏爲初春雨澤霑足事竊照粵西地方冬春二季最
需雨澤蓋因民間塘田俱於此時蓄水以爲栽插
之本去冬雨雪不缺今歲正月膏雨連旬自初一
日至二十日未嘗間斷目今春麥滋長至二月下
旬禾苗即可佈種我

皇上勤民重農感召

天和臣職任旬宣所有查詢雨澤事宜謹繕摺奏

聞謹

奏

覽奏膏雨優渥朕懷深慰

驗試貢監考試吏攢選舉老農三摺俱交該部議奏矣

雍正七年三月二十日廣西布政使

臣

張元懷謹

奏為粵省雨澤霑足事竊查粵省正月雨水調勻經

臣

繕摺奏

聞外至二月望前天氣晴暖耕耘得力自二月望後至
三月初旬甘霖頻施土膏滋潤塘水充滿目今春

麥俱已揚花結實各屬稻禾俱已次第佈種粵西
雨暘時若農民歡慶理合繕摺奏

聞謹

奏

覽雨暘調順情形朕懷深慰

雍正七年十一月初一日廣西布政使臣張元懷
謹

奏為奏

聞事雍正七年八月初十日奉撫臣金鉷准吏部咨開
廣東道試監察御史高山條議各省督撫藩臬衙
門一體封鎖并將各書役一年更換通行直省實
力奉行等因到臣臣查粵西邊徼地方書辦人等
多屬愚蠢較之江浙狡猾姦巧已自有間臣衙門
各房書吏貼寫共一百五十五名其中畧有明白
事件每房稿辦不過一二名餘皆書寫文移冊籍
而已一遇緊要事件尚須晝夜攢造以上書役皆

常川伺候向無分設上下兩班亦無內班外班之分若將現在之書辦分作上下兩班無論事繁人少不敷所用且隔一年之久往往上班所辦之事下班接管頭緒茫然恐有舛錯若另募增添邊末愚民通曉文移者少既難招募且新進之人更不知各項卷宗原委即臣前在臬任并護撫印之時原係封鎖一日兩次開門而各房書辦則係按季三月輪換亦無外班書辦至其接管交替之時尚

有前後錯誤之處是撫臬二臣衙門書吏亦難按

年換班况

臣

衙門錢糧總匯項款紛繁未可絲毫

舛錯是一年一換實於辦理案件未便即念其常

川伺候不過酌量於一二月內量行給假數日料

理家務庶幾無誤辦公再查

臣

衙門有支放各營

兵餉收充各屬正雜錢糧以及通省屬員因公到

省不時以地方諸務當面商酌等事如一日之間

拘定兩次開門未免勢有難行

臣

與撫

臣

金鉅集

臣元展成悉心面商亦俱意見相同可否允臣凡
遇收放錢糧并有緊要公務隨時彈允收放辦理
事竣即行封閉庶為妥便為此據實奏

聞伏乞

皇上睿鑒施行謹

奏

地方情事原各有不同汝與督撫臣權宜斟酌為之可
也

同日又

奏為敬陳管見仰祈

睿鑒事竊查雍正六年四月內定例各省流犯在配脫
逃一面移咨原籍緝查一面令配所該管官勒限
緝獲到日先解布政司衙門枷號兩箇月責四十
板滿日加徒役三年等因又雍正七年八月內定
例凡律載應流之犯如情罪甚重者在配脫逃被
獲之日於本罪上加等擬絞監候其該管兼轄各

官均分別議處等因各欽遵在案是流犯罪案
情各有輕重脫逃治罪亦分差等誠屬至公至當
永遠可行各該犯自應悔悟畏懼不敢復行潛逃
矣而各屬申報流犯脫逃者又往往有之臣愚以
為此等流犯皆蒙

皇上覆載生全原情寬宥易地發遣安插為民冀其改
過遷善悔悟為良地方各官原無差押拘禁之例
且伊等在配無可度日或捕魚為業或樵採營生

勢難禁其出入如其蓄心潛逃乘機免脫實屬未

易防範

臣

查雍正二年五月內定例直隸山西河

南山東陝西五省連家屬發遣之人有能種地者
前往布隆吉爾地方種地令地方官動正項錢糧
採買種地籽粒牛隻給與種地之人三年以後交
納糧草等語今粵西州縣現在議行開墾荒地可
否比照雍正二年定例凡安插粵西攜帶妻子之
流犯有能種地者令地方官動項買備牛種量給

荒地墾種編入保甲互相稽查仍按墾荒年分照例陞科其單身貧難之流犯與不能種地者如於配所願充夫役即就該地方額設橋渡河站各夫內遇缺補充照例日給工食仍聽夫頭約束其流犯之挾有資斧或別有手藝者在配經營聽從其便該管各官仍於朔望點卯稽查毋致疎脫如此則在配各犯既有營生之業以安其身而該管各官亦得嚴其防範之法庶或疎脫者漸少而所全

者實多

臣

就粵言粵誠見流犯人等似當隨地安

置是否可採伏乞

皇上睿鑒施行謹

奏

是否可行與督撫商酌

雍正九年五月初六日署理河南巡撫印務浙江

布政使

臣

張元懷謹

奏為恭謝

天恩事竊臣於本年四月二十四日接浙江總督臣李

衛抄咨蒙

皇上聖恩命臣署理河南巡撫事務欽此欽遵謹將臣

藩司任內一切錢糧事件造具清冊於五月初四

日移交臬司臣劉章署理外臣隨於初六日起程

前赴河南署任伏念臣庸愚陋質蒙

皇上屢加擢用游歷兩司日夜冰兢常恐辦理未協以

致有負

聖恩茲者乃蒙

皇上簡署封疆重任聞

命之下愈滋惶悚況豫省為四方通會之區凡錢糧兵

馬河道漕運以及察吏安民事件俱關係重大臣

謹遵

旨前赴河南暫為署理伏乞

皇上另簡才識卓越之員畀茲重寄方與地方有益并

叩懇

皇上垂照臣愚

恩賜訓誨俾臣到豫敬謹遵循庶幾不致有所謬誤也

為此具摺恭謝

天恩謹

奏

覽

居心行政一一效法田文鏡何有謬誤之失勉為之

雍正九年六月十二日署理河南巡撫印務布政

使臣張元懷謹

奏為秦明事竊

臣

於本年五月二十九日抵豫省遵

旨即赴督臣衙門面見督

臣

田文鏡聽其指授地方事

宜隨於六月初一日任事訖初二初三等日

臣連

次往見督

臣

田文鏡因感冒微寒未得接晤

臣竊

思田文鏡在任八年地方事宜無不深悉熟練又

蒙

諭旨命其指示交代

臣

自應朝夕面請領受教益方得

奉為章程有所遵循今督臣田文鏡於初次相見之時向臣言及急欲進京家口則留在衙署俟八月起行其家口留署臣自當料理防護但督臣年踰七十現今身又抱病當此炎暑自應暫留豫省衙門調理俟秋涼體健徐緩進京臣現在撥役照常護衛伺候并俟督臣田文鏡見臣再為面請豫省一切事宜仍堅留緩行在豫頤養外理合奏

聞謹

奏

田文鏡先已奏聞業經有旨矣

雍正九年六月十七日署理河南巡撫印務布政

使臣張元懷謹

奏為奏

聞事竊查豫省自入五月以來雨澤微少晚苗未能盡
行播種望雨甚殷茲於本月十四十五兩日風雷
不作暢沛甘霖由日及夜四野霑足凡應種禾豆

俱可及時播種而已長田苗益覺發生暢茂臣民
胥慶道路歡忻此皆我

皇上宵旰勤民至誠感格所以應時沛澤惠濟羣生也
至於各府州縣地方得雨日期晚苗長發情形俟
查明再行奏

聞謹

奏

甘雨及期以手加額覽焉

雍正九年六月二十九日署理河南巡撫印務布
政使臣張元懷謹

奏爲秦明事竊念豫省去年稍被水淹我

皇上軫念民艱

特命刑部侍郎

臣

王國棟馳驛來豫發倉賑濟計口授

粟不令一夫失所

皇仁普被實惠均沾豫省人民無不感激歡呼此臣赴
任經過地方及來省城目擊之情形也乃臣自署

任以後案查侍郎臣王國棟奉

命來豫共賑過穀五十餘萬石零續又查首冒濫領穀一萬石零內議著落該縣嚴行追比如百姓不能繳補着落該州縣賠補等語臣查賑濟一事刻不容緩愚民見小乘機冒領其罪固無可逭而州縣奉委詳查不能勘實開報則責有攸歸賠補亦所難辭但小民無知一時冒領業已用盡今二麥甫及登場即欲如數交還其中恐有實在無力不能

繳還之人百姓不能繳還而州縣又慮自行賠補
止求自己之無累豈顧百姓之難堪其為朝夕催
追嚴行徵比諒難逃

聖明洞鑒之中我

皇上下沛恩膏豫省賑過穀石五十餘萬之多乃於一
萬餘石濫給之穀致令放賑未幾即有追比之舉
甚非仰體

聖主軫恤豫民之至意仰惟我

皇上仁周庶類澤被蒼生欲使普天率土無一夫不得其所方可稍慰

宸衷必不因萬餘石之穀石與茅簷編戶較有餘不足之數臣署任方始不敢以此案已經具

題俾浩蕩

皇恩於蠲賑事竣之後復留些小欠缺臣謹據實奏聞伏乞

睿鑒施行謹

奏

如果州縣查勘詳確何有冒領之弊候朕另有諭旨

雍正九年七月初九日署理河南巡撫印務布政

使臣張元懷謹

奏為奏

聞事竊豫省六月十九二十兩日省城附近得雨分寸

及霑足地方臣已具摺恭

奏外嗣於二十三以及二十九三十至七月初二

三等日各府州縣又陸續申報得雨臣恐所報或有未實隨委員分路確查今據各員申覆前來大約黃河以南開封歸德南陽汝寧河南五府陳汝鄭陝禹許六州其中亦間有一二縣雨澤稍遲晚禾未盡栽種其餘悉皆需足早晚秋禾亦無不遍種青蔥茂盛秋成已可預卜惟光州一屬州境已報得雨所屬四縣尚未周徧其黃河以北懷慶一府雖屢報得雨均未需足已種秋禾不過十之五

六彰德衛輝二府亦有三四縣已報霑足其餘悉
未得雨已種秋禾不過十之三四臣現飭河北各
州縣日內倘得雨澤窮民無力置辦籽粒立即酌
量借給務令及早補種或有遷徙他往者務令加
意撫綏不致流離失所再光州所屬之固始商城
交界地方竹園內於六月二十一日忽生青蟲形
似蝗蝻將竹葉蠶食幸未生翅當即撲滅並未傷
損田禾合并奏

聞謹

奏

據奏青蟲似蝗蠶食竹葉等語即實係蝗蝻亦惟有嚴飭屬員速行撲滅而已此外別無良策也

同日又

奏爲奏

聞事竊查去年直隸山東江南河南被水乏食窮民趁食於鄰省者蒙

皇上恩諭各督撫轉飭地方官動支常平倉穀計口授食又念三春耕種之時若不旋歸本土恐致荒棄故業動支存公銀兩賞為路費資送回籍嗣後以此為例欽遵在案茲查六月下旬以來復有北來窮民攜帶家口渡河而南大約直隸山東之人居多亦間有河北彰衛等處之人每日七八起至十餘起不等臣伏思去年

恩旨原為時屆三春耕種之際恐其荒棄舊業故令資

送回籍此誠

皇上軫恤流民至周至密之盛心也今時方交秋而此等覓食窮民絡繹而至若照先行事理遇有來者即差伴遣還是旋歸之日已過耕種之時或反致其失所亦未可定若但聽其往來則以五方雜處之人東西覓食無依無著安保其不別生事端臣以為時勢不同或當於安集之中隱寓稽防之意因嚴飭沿河州縣於各渡口處所詳加察詢倘欲

於豫省州縣依附親朋傭工覓食者詢明欲往地方除力能自給者無庸資給外其有實在窮民酌量給與口糧仍知照該州縣令其善為安插再通行各府州縣如有此等流民經過務必加意防護倘其中有欲往湖廣之人則開明籍貫姓名察其有力無力酌量資遣出境臣現在咨明湖廣督撫二臣俾其轉飭該地方官預為查照以上趁食窮民若至來春思還故土而又無力起行則仍行遵

例資給回籍如此則撫綏察查各盡其職隨處安
集既無流離失所之虞沿途稽防亦不致有相聚
爲匪之慮矣所有臣現在料理渡河流民情形理
合具摺奏

聞謹

奏

此奏是實力為之

雍正九年七月二十四日署理河南巡撫印務布

政使臣張元懷謹

奏爲奏

聞事竊豫省立秋之前大河以南各府州縣雨澤先後
霑足惟河北彰衛懷三府尚未周徧經臣具摺恭
奏外隨於七月十一十二兩日省城連得大雨彰衛
懷三府亦於此兩日之內俱報霑足百姓俱各及
時補種蕎麥是河北州縣得雨雖覺稍遲日下補
種晚苗俱已發生將來民食有賴至於無力窮民

如有不能置辦籽粒者臣遵照部議已迅飭各該
州縣酌量借給令其及早補種伏思今歲節候較
遲倘至八月下旬早霜未降則可望普收矣再查
省城米價六月內粟米每石價銀一兩七錢今自
七月以來每石減至一兩三錢想因時雨頻施青
苗遍野囤米之家不肯久積是以米價頓平所有
河北三府雨澤霑足及播種情形理合奏

聞謹

奏

覽奏河北得雨霑足朕為豫民曷勝額慶

同日又

奏為奏

聞事竊六月內據固始商城二縣報稱交界地方竹園
內生有青蟲當即撲滅並未損傷田禾經臣具

奏外臣恐留有遺種滋害田苗地方官所報未盡確
實隨委汝寧府前往詳細勘驗今據稟覆係商固

接壤之處地名馬岡集居民石峩家有竹園約計
十頃其葉俱為青蟲所食該二縣當即率衆撲滅
並未損傷田禾亦更無遺留滋蔓竊念竹園十頃
地方不為不大竹葉食盡其蟲不為不多乃止食
竹葉而於禾苗毫無損傷實為可異再中牟陽武
原武三縣交界地方於七月初九日亦生小蟲形
似蝻子大如蒼蠅臣飛飭各該縣正在上緊撲滅
間隨於十一十二兩日連得大雨所生之蟲隨雨

俱滅亦無遺留禾苗毫無所損伏思五六月間雨澤微缺從前低窪積潦之區魚蝦遺子變為蟲蝻固屬事理之常而止食竹葉無損禾苗又得大雨消除此實默有神佑豈人力所能致者仰惟

皇上聖德感召徵應如響所以歲轉有秋蟲不為害而臣撫心自思益覺兢惕悚惶時時滋懼也為此奏

聞謹

奏

青蟲或係專食竹葉之蟲耳何乃為是誇誕之詞

雍正九年八月二十二日署理河南巡撫印務布

政使臣張元懷謹

奏為奏

聞事竊照豫省地方仰蒙

皇上聖恩先事預籌截留漕米二十萬石備將來賑恤之用或於明年青黃不接時候平糶臣遵照部行已派委南汝道董自超帶佐雜及試用人員三十

餘員雇覓民船先赴臨清聽候分派押運在案至豫省各種秋糧現今雖未盡收然據各州縣申報及臣委員驗看高粱已經刈穫實有十分收成棉花豆子晚穀查彰衛懷三府屬得雨稍遲入秋以後雨水調和收成亦不致甚減其餘各府州縣皆極茂盛指日便可豐收又七月中連雨兩次間有一時水壅被淹之處亦不過零星低窪畝數臣隨遣員撫恤資給籽粒補種蕎麥今至八月以來天

氣晴暖所種蕎麥亦皆敷榮結實可望有秋再消
川尉氏二縣雙洎河決口民房報有水淹塌損者
嵩縣伊水漫溢亦淹塌民房百餘間臣亦委員星
赴查勘視其房屋坍塌情形酌動存公銀兩或二
三兩或四五兩賑給修整房屋民皆安堵再北來
流民臣遵照部文遣員於各渡口查驗給票或資
給口糧或勸諭回籍皆知各本籍奉有安輯

聖諭已日漸稀少但數日之內臣又訪聞江南省徐州

所屬之蕭碭二縣界連歸德彼處人民頗多挈携
老幼來豫臣未悉係何緣由隨即遣員星往查驗
并飭地方官照例撫恤今二十日河南布政使臣
高斌赴任抵豫道經歸德親遇徐屬流民詢知因
彼處黃水有決口之處但出自流民之言未審的
確臣因

皇上軫念民生無一事不上厯

聖衷所有地方次第收成豐稔情形及流民稀少又新

有來豫之處合先奏

聞謹

奏

汝自署理豫撫印篆以來事事辦理不及敷奏不實一
惟瞻顧因循是務大失朕之所望所奏知道了

雍正九年九月初一日署理河南巡撫印務布政

使臣張元懷謹

奏為酌議徵漕補倉事宜仰祈

睿鑒事竊臣於八月二十四日准部覆督臣田文鏡奏
請將徵漕抵補賑穀其賑過之州縣本地漕穀未
必適如所賑之數應令不賑之州縣酌量撥運動
用鹽規存公銀兩給發雇腳運送移咨到臣此誠
酌盈濟虛預備倉貯之計但臣以爲補倉固爲緊
要而撥運似屬可緩以本地之漕穀補本地之倉
額事最省便無可疑議若欲以別州縣之漕穀撥
運補額則今年豫省豐收之處居多固非急需撥

運補貯之時且一經撥運則動須車脚而運穀較之運米數當加倍則費亦加倍以有用之存公銀兩徒供車脚之費實屬可惜臣之愚見以爲莫若照先准部咨將徵收之穀各徵各貯俟明春酌其有餘不足隨時平糶糶出穀價撥給動賑之州縣於秋收後陸續買穀補倉再若不敷動賑之穀則現在截留二十萬石之漕米部議原令平糶之後易穀貯倉以此項平糶銀兩令動賑州縣逐漸買

補以足舊額如有贏餘存貯司庫以備撥用如此
一轉移間既免搬運之煩又省車價之費各州縣
倉穀原額亦無不補足矣再查豫省徵收漕米向
例每石加收耗米一斗五升爲折耗運腳等費今
既停運改徵穀石每穀一石約可碾米六斗統算
收穀二石合之收米一石已有加耗在內若仍照
舊收耗則於民未便可否仰請

聖恩特頒諭旨將今年漕米收耗之處曉諭豁免將來

徵米起運仍照舊徵輸則

恩出自

上有益於民而於官亦無所損伏祈

睿鑒施行謹

奏

所奏言之田文鏡如果當行伊必具奏請行其中或有
可議伊自剖悉指示於汝亦可增長識見將奏摺併朕
批諭俱與觀之可也

同日又

奏爲奏明事竊臣於八月二十六日接到督臣田文鏡來札內稱蒙

聖恩仍令回豫視事但恐各屬於授受之際不無因循觀望稽延舛誤飭令兩司將應辦事件作速詳慎辦理免致遲錯緣係奉

旨札致特此奉達等因到臣遵查臣到任三月一切應辦事件俱遵照料理隨時檄催外查督臣田文鏡

留交命盜案件共有二百八十餘案臣謹依次辦理其中尚有二十五案係田文鏡已審而未經具題之案臣具題本內例填覆審無異字樣竊念命盜案件關係重大臣未經親審遽稱覆審無異何敢自蹈欺誑之罪臣因逐一提訊依次審結其間提解審理不無稍遲時日今亦現在陸續具題不敢稽延至於舛誤之處臣自分庸陋或有心力之所不及知識之所未周乃限於臣之才絀智短實

未敢自信臣惟有竭盡駑駘原札錯字改為誤字未
知是何意見遲矣人之性命瞻顧前後而不嚴駁詳審則臣

又斷斷不敢統祈

聖明鑒照緣係奉

旨寄示之札理合據實奏

聞謹

奏

此奏甚屬可笑朕原以汝為知朕之人及觀汝署理豫

撫以來前次今番所奏乃大負朕恩之小人向之信任
寧不可惜若再不痛自改悔惟疑防揣度是務恐非汝
之福也慎為之



硃批諭旨卷六十五

欽定四庫全書

史部

硃批諭旨卷六十六

臣永瑢恭校

編修臣袁謙覆勘

總校官中書臣朱鈐

校對官中書臣高中

謄錄監生臣王爾熙

謄錄監生臣陳觀龍

欽定四庫全書

硃批諭旨卷六十六

硃批董永艾奏摺

江南安徽布政使臣董永艾謹

奏為藩庫交盤已竣備陳始末仰祈

睿鑒事竊臣一介庸愚備員閩臬蒙

皇上天恩

特旨調見獲覲

天顏特授臣安徽布政使戴

德如天措躬無地於三月十八日銜

命出京至四月十六日抵安徽布政司任隨即清查庫
項緣前陞司李馥及署司吳應鳳各任內因地方
公事動用庫銀十餘萬兩皆以民欠并遞年俸工
抵補竊思民欠固可催追俸工亦皆

國帑而現在庫項不便虛懸臣即欲據實揭報因念

事屬因公且伊等趕限彌補項有歸著是以不敢

輕舉隨竭力催趕茲於兩箇月交盤限內已逐一
歸補清楚現今皆實貯在庫並無懸欠除將接受
交盤事宜照例詳報撫臣保結咨部外合將庫項
已清緣由據實奏

聞謹

奏

覽奏知道了極宜勉力做好官

江南安徽布政使

臣

董永艾謹

奏為叩謝

天恩事本年十一月二十四日接到浙閩督臣准部咨
文為恭報官兵克復臺灣事奉

旨任事官員現行議敘之外著驟行各加一等欽此又
粘單內開在省辦理軍務按察使董永茂今陞安
徽布政使准其加一級等因奉此聞

命自天感激無地當即恭設香案望

闕叩頭謝

恩訖竊念臣世受

國恩時因職守所羈不能戮力行間奮身殺賊以辦理
之微勞得邀加級之

曠典

聖德如天有加無已除將感激微忱具詳撫臣代

題叩謝

天恩外臣犬馬下情不能自己謹再繕摺奏謝

聖主洪恩再鳳陽府屬壽泗等州縣今年秋成歉薄雖

不成災而窮民當此隆冬恐致乏食督撫臣各捐銀二千兩臣亦捐銀二千兩買米煮賑仰副聖主愛養黎民之至意合併奏

聞謹

奏

所奏已悉聞汝聲名頗好勉之母急

江南安徽布政使臣董永艾謹

奏為叩謝

天恩事雍正二年九月二十六日臣接兩江督臣查弼
納牌准吏部咨奉

旨董永艾自擢用安徽布政使以來雖無甚狼藉聲名
然大不如在福建按察使任時看其才具不勝繁劇
之任博爾多聲名甚好著二人調省用等因欽此欽
遵臣隨恭設香案望

闕叩頭謝

恩訖伏念臣駑駘下質至愚至陋在福建按察使任十

有二年毫無報效恭逢

聖主登極之初

天恩召見特陞安徽布政使自任事以來欽遵

訓旨勉做好官勿改初志朝夕兢兢業業安敢隕越自

取罪譴惟是安徽地方為財賦繁劇之區臣雖殫

心竭力而才具庸劣不能勝任茲蒙

聖恩浩蕩不即罷斥

特命山東布政使博爾多與臣二人調省用是

聖主弘施宥過之仁

特予自新之路

生成之德實同天地臣惟有從此益加勉勵竭盡駑駘
以仰報

高厚之恩於萬一耳臣現在俟博爾多到江寧之日即
行交代外所有犬馬感激私衷理合具摺奏謝
天恩謹

奏

爾到新任時若仍然似此因循自便巧猾居心而不奮
勉報效臨期追悔莫及也

山東按察使

臣董永艾謹

奏為感激

天恩再申謝悃事竊

臣

一介庸愚倖登仕籍恭遇

聖主御極之初即奉

恩旨召見特放安徽布政使江南財賦重地錢糧頭緒

紛繁

臣

才識短淺不能勝任已在

聖明洞鑒之中荷蒙

天地包容不賜罷斥仍調山東布政使竊念江南與山東事務雖有繁簡其為錢糧則一正在惴惴無以自安旋奉補授按察使之

命且仍帶布政司銜臣何人斯得此

異數聞

命之下感激涕零雖捐糜頂踵不能仰報

高厚矜全之恩於萬一從此惟有益加奮勉竭盡犬馬

之力以期無負

聖主簡用天心而已臣經手安徽一切錢糧新任布政使博爾多於封印日到任限內交盤清楚出具印結隨於三月十八日起程四月十二日抵山東按察使任除具詳撫臣代

題叩謝

天恩外所有臣感激下情合再繕摺

奏謝謹

奏

勉力供職可也再若不妥不但矜全之恩不可屢邀行
且禍不旋踵矣

浙江按察使

臣

董永艾謹

奏為恭聆

聖訓叩謝

天恩事雍正五年正月十九日浙江觀風整俗使

臣王

國棟到任口傳

皇上諭旨臣隨望

闕叩頭祇領訖伏念臣至愚至陋且賦性懦弱蒙

聖主拔置藩臬大僚全無絲毫報效不惟不加譴責又

特調浙江按察使計到任以來已經一年才智短淺不

能整頓雖浙江大省人心刁險風俗偷薄久在

皇上聖鑒之中然臣柔懦無才不能勝任時滋悚懼乃

蒙

優旨頻頒臣自顧何人邀茲

寵遇惟有感激涕零欽遵

聖訓黽勉奮勵不避嫌怨不畏勢力不徇一毫情面以

圖報稱而已為此具摺叩謝

天恩謹

奏

據奏矢志圖報須要言與行符也

浙江按察使臣董永艾謹

奏為恭蒙

賜給養廉叩謝

天恩事雍正五年七月初四日准布政司知會為遵

旨覆奏事內開前經巡撫臣李衛同布政使臣許容以

觀風整俗使並無養廉按察使鹽規節禮俱裁亦

無火耗議請各給銀五千兩後因公項不敷支發

今酌議減去銀一千兩每年實支銀四千兩自奉

旨之日起支等因到臣欽此謹恭設香案望

闕叩頭謝

恩外竊惟

臣

自到任以來將及兩載並無寸長報效之

處即不收節禮裁革陋規是

臣

職所當然何敢希

冀養廉乃蒙

聖主殊恩允給

臣

銀四千兩儘足

臣

一年費用從此

臣

舉家衣食從容雖捐糜頂踵豈能仰報萬一

臣惟

有益矢冰兢竭盡駑駘勉供職已耳為此繕摺

叩謝

天恩謹

奏

亦不須捐糜頂踵方為圖報但不柔善瞻徇取悅紳衿
以沽名譽及將命盜兇犯屈法開脫以積陰功克盡臬
司責任不玷厥職足矣

浙江按察使

臣董永艾謹

奏為恭謝

天恩事竊臣前於安徽藩司任內不能稽察屬員剔除
弊竇以致潁州霍邱等屬於

恩賞老婦案內捏報冒銷溺職之罪自知難逭部議降
調蒙

皇上格外施恩從寬降一級留任聞

命自天感深涕泣謹恭設香案望

闕叩頭謝

恩臣至愚至蠢叨沐

殊典惟有益加兢惕勉副職守并生生世世永圖報效

而已除另詳撫臣代

題恭謝

聖恩外

臣受

恩深重情難自己再行繕摺奏

謝謹

奏

朕恩如是若仍不能改易從前巧宦積習則不止於降調而已也務須實力加勉一番毫無瞻徇一切秉公方不辱朕之委用也勉之慎之

浙江按察使臣董永艾謹

奏為恭謝

天恩事雍正六年三月二十三日奉浙江督臣李衛行

准部咨奉

上旨董永艾久任臬司刑名素所諳練著調為江蘇按察

使欽此欽遵臣隨恭設香案望

闕叩頭謝

恩竊臣至愚極賤蒙

皇上天恩畀以刑名重任歷福建山東浙江三省臬司
十有五年雖時刻兢惕不敢枉縱以期仰副我
皇上懲暴安民至意而才識短淺照顧不及實無裨於
皇上明刑弼教之治今又蒙

特恩以臣久任臬司諳練刑名調任江蘇按察使臣聞
命自天感激無地惟有勉竭駑駘持平三尺不辭勞怨
不徇情面嚴察姦惡以安良善以圖仰報

聖恩於萬一耳為此繕摺恭謝

天恩謹

奏

刑名之要惟以平允連結不致拖累無辜為貴若將盜犯開除殺人者不令抵償而自以為積功累行天下寧有是理柔善沽譽四字切戒毋犯從古未聞以私廢公之善人也況臬司獄獄輕重為闔省人心畏玩風俗淳漓所關於此若見不透少有過偏則為害甚大勉之慎之汝經歷過督撫數輩須當效法李衛之居心行事不

然終遺悔憾朕非崇尚嚴刻之主因於斯理所見甚明
執法惟一平字治天下惟一公字雖政術多端要不出
此内外臣工若不以此二字協贊於朕非朕臣也豈肯
與之共理庶務耶可詳悉思維深自警省勉之勉之

硃批諭旨卷六十六

欽定四庫全書

硃批諭旨卷六十七

硃批蔡仕艸奏摺

雍正二年十一月二十五日工科掌印給事中浙

江糧道臣蔡仕艸謹

奏為徹查懸欠之庫項敬陳彌補之末籌仰祈

睿鑒採納事竊臣海濱下士至愚極陋荷蒙我

皇上天恩簡畀浙江糧道九月初八日抵任後即與陞

道徐琳清查交代歷任舊管新收共該存庫銀六十二萬一千四百餘兩今存庫只三十六萬二千二百餘兩此外銀二十五萬八千九百餘兩緊係歷任借墊未補內有借給各幫成造舩船會北買米并預支行月經費共銀二十二萬五千五百四十餘兩有各幫每年應領漕截經費等銀可扣又康熙五十四年各官公捐協助陝省軍需借動道庫銀一萬五千七百兩又康熙六十一年因回空

糧船凍阻動借道庫銀八萬二千五百餘兩募雇民船赴淮迎載每米一石水脚銀一錢四分詳定各幫每船捐銀一錢外有漕州縣捐銀四分計銀二萬五千九百餘兩據州縣以捐解不前會詳院司准其各捐二分共該銀一萬二千九百餘兩已據各屬捐解銀三千一百餘兩尚未解銀九千七百餘兩又准於俸工內流抵二分亦該銀一萬二千九百餘兩經前道提補銀四千九百餘兩尚未

補銀七千九百餘兩今各州縣未解銀兩應仍著各員捐解但俱已離任新任者又不肯接捐互相推諉道庫終無歸補仰懇

皇上飭諭撫臣將應捐銀兩題明於各員名下分別著追使其上緊完公其俸工內未補銀同前項墊解軍餉未補銀共二萬三千六百餘兩懸欠多年臣仰荷

聖恩忝司筦籥不敢緘默因循謹竭一得之愚上瀆

聖聰查州縣徵收錢糧俱有火耗在北省耗銀已經提
貯藩庫故交際陋規悉行裁革今浙省耗銀槩存
州縣而現在院司各員禁止餽遺即臣衙門向有
節禮四千餘兩亦俱裁革是各州縣應酬既已全
減火耗不無所餘除地丁事隸藩司不議外浙省
漕項錢糧共七十三萬一千餘兩若每兩酌提二
分一年即有一萬四千六百餘兩前項未補銀共
二萬三千六百餘兩一年有餘便可完補以漕糧

之耗羨補漕庫之虛懸似為妥當倘臣言可採仰
祈

皇上飭諭撫臣以雍正三年為始遵行提解前項補完
即日停止庶積欠清而庫帑充實矣謹

奏

覽奏知道了最不宜矯廉沽名尤不宜因私悞公以及
揭前官之短遺後任之累只要實心實行凡事務期長
久遵循無礙上下情理皆通方好不可為目下虛聲小

譽而弄巧飾詐此等人朕所不取也勉之

雍正六年十一月十九日浙江觀風整俗使臣蔡

仕艮謹

奏為微臣受

恩綦重下情戀

闕甚深仰祈

聖慈俯允

陛見事竊臣於雍正二年七月內蒙

皇上簡任浙江糧道銜

恩抵浙勉竭駑駘寸長未效嗣因雍正四年雨水過多

米色潮潤部議降調特蒙

聖恩留任是

皇上於臣既加拔擢又

賜矜全臣感激涕零圖報無地茲復欽奉

上諭加臣以僉都御史之銜畀臣以觀風整俗之任

聖恩高厚雖捐糜頂踵總不足以言報稱惟是臣膺茲

重任智識淺陋視事方新未知竅要又臣自雍正

二年八月內

陞辭至今四載有餘犬馬戀

主之心與日俱積伏懇

聖恩俯允

陞見俾臣趨覲

天顏恭請

聖訓庶措施有所遵循永戴

聖恩於無既矣容俟督查錢糧清結之日恭疏具

題外理合先行

奏明伏乞

皇上睿鑒施行謹

奏

不必來京惟當黽勉職任與李衛同心協力整飭地方
可也

雍正七年正月二十五日浙江觀風整俗使臣蔡

仕朮謹

奏為敬陳浙省民情官方仰祈

睿鑒事竊浙省歷年舊欠錢糧自奉

旨清查以來士民感戴

皇恩爭先完納向日衿監包攬收役侵漁俱已斂跡雍

正六年錢糧或按額全完或完至八九分有零雍

正三四五等年共舊欠銀七十餘萬兩已徵完四

十萬餘兩雍正二年以前帶徵錢糧亦俱報有溢

完至承追虧空各案亦已陸續追完銀六萬九千七百餘兩未完者現在催追今年春景日暖風和瑞雪時降農民歡欣鼓舞皆云豐年之兆將來輸將又必競勸也其府州縣等官經督臣李衛不時舉劾共知惕厲尚有候補通判劉漢儒者外貌可觀而操守未謹於雍正五年署烏程任內勒借鄉紳汪亮采銀三百兩經督臣訪實嚴加誡飭著令吐還又瑞安令何詩頓改前操因生員楊元玟兄

弟爭訟該縣私罰銀五百五十兩現經督臣批飭
嚴審又嘉善令邵煜辦事平常浦江令袁皞聽斷
無才此二員者督臣亦常言其無能又石門令呂

為治

廷鑄時常患病性情粗鹵雍正六年經徵漕白二

面詳

糧民有怨聲經臣訪拏作弊收役究革復面詰該

無不

令據稱因揀選米色曾被里民唾罵則其無以服

謂羅

衆可見矣至各武職臣未巡到之地未及周知惟

上年十月內到金華見副將羅俊舉動輕浮所管

恭

之塘兵多不在次八夜復無哨警至十二月內該將遣兵丁何玉常等來省領餉公然在寓賭博被拏是皆其不能約束兵丁所致也臣衙門有稽查文武官員責任見聞既確除一面嚴加誡飭外不敢徇隱理合據實陳奏其餘文武各員容臣巡歷細加訪察得實另行奏

聞謹

奏

覽

雍正七年三月二十日浙江觀風整俗使臣蔡仕

肅謹

奏為奏明甘露呈祥事竊臣於台州府地方接到布政使高斌嘉興府知府閻堯熙先後具詳內開據嘉善嘉興二縣知縣轉據該二縣耆民等咸稱正月二十二日卯辰二時天降甘露遍結樹枝葦竹之上萬民共覩形若脂凝味如飴美實係太平上

金匱要略卷六十七
瑞詳請具

題到臣仰見我

皇上以德動

天感召捷於影響並知

天心以福眷德申錫極其光昭臣已移咨督臣李衛現候

咨會又臣經由紹郡據該知府稟稱有府學生員

黃孝純於正月十七日夜出街看燈路拾胡疇一

遺失瓶袋內珠十七粒金戒指一箇及碎銀當票

等物約值銀四十餘兩該生義不苟取招帖付還
并却酬金不受等語隨據布政司通詳請予嘉獎
前來現在移咨督臣會核外查化行俗美然後人
知廉隅茲生員黃孝純不拾遺金自敦士品皆

皇上德洋恩溥一道同風所致也理合具摺恭

奏伏乞

睿鑒施行謹

奏

汝等大員果肯秉公持正察吏安民實心為國家宣猷
敷化此等徵應乃必有者也勉之

同日又

奏為敬陳微臣巡歷所見仰祈

睿鑒事竊臣於本年二月初一日出巡紹興寧波台州

三府於三月初八日回省所過郡縣應行閱視稽

察之處臣俱次第舉行而春景清明積雪俱化土

誠敬處之

臣母稍肆志

膏滋潤麥苗秀發又復雨澤時沾定為豐年之兆

輸將競勸詞訟稀少其素著姦惡之人實已痛悔
遷善不敢為非惟僻遠鄉村尚有無知衿監暗行
武斷及市集津壩一二壟斷之徒利已妨人臣俱
可謂懲處得當

訪其尤者分別究懲悉皆帖然至官方軍政臣留
心察核文職內有山陰縣試用知縣沙漢鰲外貌
可觀中頗糊塗聽斷無才難勝劇任臣回省即言
是

之督臣正在斟酌調換其餘各縣如上虞令徐志
定臨海令顏肇維才力鈍軟然尚肯黽勉臣俱面

加訓誡勉令振作以圖後效武職營伍惟台州協
經調任杭協副將吳進義訓練最為可觀至寧波
一營斯為最下兵既稀少馬又疲瘦步伍並未操
習該營叅將袁漢及守備王仲俱難辭咎是臣隨經
嚴飭去後回省又即言之督臣查叅矣以上情事
緣係臣巡歷親見理合具摺恭

奏伏乞

皇上睿鑒施行謹

奏

所奏嘉悅覽焉但不可絲毫隱飾

雍正七年五月初二日浙江觀風整俗使署理浙

江巡撫印務臣蔡仕卬謹

奏為恭謝

天恩並陳職守事宜仰祈

睿鑒事竊臣一介庸愚荷蒙

聖恩擢用朝夕兢兢毫無報稱茲因督臣李衛入

覲遵奉

諭旨將浙江巡撫事務

題明交

臣署理

臣

於三月二十二日受事恭疏

題報在案伏見浙省士民感沐

皇恩風化日臻醇厚今春雨水調勻春花二麥浙東浙

西皆獲豐登養蠶之家收成亦好台州各屬多種

早稻立夏後得雨霑足栽蒔爭先至現辦事件惟

海塘城工最關緊要合計已發銀一十萬二千四

百兩有零尚有未完工程須找給銀四萬七千餘
兩臣現在照案行催務期次第告成其通省文武
屬員臣又察有海寧令胡杲性情暴戾行事乖張
有玷職守巡鹽千總韓景琦頗能巡緝然好干外
事蘇松嘉湖之間嘖有怨聲臣經面加訓飭冀其
悛改仍俟督臣李衛回浙共相酌議至杭城諸色
人等雜處此四月內有總督衙門健步蔣廷芳擅
拏平民陳長儒鎖禁班房圖詐又撫標兵丁吳璉

等同提標兵丁胡永泰等拏獲窩賭受賄不報又
回民沙彩臣等私宰耕牛販賣俱經臣訪拏押發
府縣按律重究外其餘地方事宜臣惟與署督臣
覽奏甚為嘉悅能如此居心始終不移自然蒙朕信任性桂同心協力斟酌辦理以期無負我
勉為之皇上委用之隆恩而已惟是

聖恩高厚臣才質駑鈍撫心自問中夜徬徨值今京察
黜陟之時臣官四品不敢越例自陳但述職心殷
曠官愧重不能自己因敢冒昧附

奏伏懇

若將似汝無過之人罷斥國家無復可用之人矣

聖恩俯賜罷斥以整官方為此繕摺具

奏伏乞

睿鑒施行謹

奏

覽

同日又

奏為恭謝

天恩事竊本年五月初一日臣進摺家人齎回

硃批奏摺

欽頒摺匣四箇并鑰匙袱墊等物臣郊迎至署恭設香

案望

闕叩頭祇受訖跪讀

硃批蒙我

皇上訓誨諄諄勉誠交至微臣祇有鏤刻心胸益加奮

勵必期無慚衾影庶可對揚

君父至所蒙

天恩頒賞摺匣縹緗縝密鎖鑰精嚴臣嗣後凡有奏事
得以固封

上達用遂敬謹之心永戴

天恩於無既矣理合繕摺奏

謝謹

奏

諸凡陳奏密之又密可也

同日又

奏為請除惡捕以安良民酌定嚴例以儆積玩事竊
本年正月內據秀水縣詳稱嘉興縣革捕劉聖甫
糾賊吳大屠大等行竊該縣王維新家多贓等情
臣當即批行杭嘉湖道王溯維嚴加訊報茲據訊
詳劉聖甫與伊姪革捕劉忠家內共窩賊吳大等
九人竊過王維新股公輔蔣叔恒沈廷棟朱寡婦
陳御山張姓等七家又有不知姓名數家得贓俱

獻劉聖甫烹分等情臣查劉忠已先於別案被獲
經督臣李衛發府枷責仍永帶小枷充警在案按
例窩主存留竊盜三名者發遣劉聖甫等窩留多
賊糾竊多案發遣未足蔽辜臣愚以為宜將首惡
劉聖甫一犯大書罪由出示曉諭檄行嘉郡文武
押赴通衢杖斃使各縣玩捕共知積惡必誅庶有
革面革心之日理合

懲警得宜

奏請

聖裁以便遵行再查雍正四年七月間刑部覆江西宜黃縣捕役吳勝等行竊一案計賊擬以杖徒具

題奉

旨查捕役為竊律內雖無加罪之條但捕役行竊仍照平人行竊治罪似屬稍輕吳勝李祚各加枷號兩箇月著永為定例等因欽遵在案今捕役為窩除窩留強盜謀刦分贓法應擬斬無庸議加其有捕役窩留強盜不行又不分贓及窩留竊盜分贓者請俱

照凡人窩盜窩竊例遞加一等立法既嚴庶惡捕
此條俟李衛回任後汝等再加商酌奏聞
不敢輕犯盜源乃可禁止矣伏乞

皇上睿鑒勅部議覆施行謹

奏

覽

雍正七年七月二十五日浙江觀風整俗使署理

浙江巡撫印務臣蔡仕艸等謹

奏為奏

聞事該臣等查得海寧縣一帶塘工歷來潮汐衝激護沙坍徙不常近因兩岸漲沙漸高潮頭趨北直射塘脚致有數段險工坦水被衝塘身震裂今年伏汛旋坍旋修幸獲保固目下正值秋汛潮頭較大勢屬極險防護尤宜加謹據布政司詳據專管塘工之杭嘉湖道王敏福移請先給銀四千兩辦料備禦臣等因塘工關係緊要當即批令照數給發

宜令

多備庶免臨期周章

以備搶修之用將次用完仍即酌給不致遲悞臣

海塘等隨即親赴該地方相視潮勢果然洶湧已飭王

神

靈佑助但須汝等有公忠之心再加誠懇然後有應

聖恩以祈默相除勘過修築情形及續用過錢糧容俟

兼之地另疏會

二字朕可力保倘內乏忠誠之實徒以外像禮儀祭告

題外合先具

恐未必能感格也至若人力之備禦刻不可緩所需料

奏再六月十七日衢屬江山縣峽口各山鄉大雨暴

物萬勿吝惜即或請帑不及公捐亦當樂為況朕從不

至蛟水陡發土石被衝奔流淹死民人十餘口沿

靳應用之正費斷不可因慮小費而悞大事浙省政務

山田廬有被推壓者幸隨漲隨消不至泛漫茲據

海塘

為第一緊要須殫心盡力慎為之朕為此時刻厯

念目

布政司

轉據

江山縣

詳報

到臣

臣等

即飭

該司

酌

動備

公銀

四百

兩飛

委衢

州府

星速

前往

督同

該

縣將

被災民人分別加意賑恤並查明推壓田廬

確數冊報一俟覆到另行馳

奏其餘諸郡田禾俱各茂盛恐厯

聖懷臣謹會同署督臣性桂恭摺奏

聞謹

奏

覽

同日又

奏為恭報早稻收成事竊查浙東諸郡多種早稻台
衢溫處四府尤盛今年雨水調勻俱已陸續收穫
據各府開報前來皆有八九分不等新米每石價
銀不過一兩以內本年錢糧完納已有七八分者
至晚稻現在秀茂即高田亦報需足至於海口洋
面亦各安靜姦匪屏跡惟據溫州平陽協報稱六

月十六日有穀船七隻到港颶風打壞二船淹沒
水手二十餘人失穀三千石又打損二船失穀四
百餘石其餘皆被浸濕查係福建督臣高其倬委
員赴江南採買之穀尚有十二隻未曾入港臣已
飭該營飛查各船是否平穩與閩省委員會商俟
南風稍轉方可開行並將損船濕穀協力照管壞
船人口撥人打撈不得岐視一面咨明福建督臣
去後再查是日颶風該縣沿海小屋籬牆草蓋多

被刮倒旋即撐搭無損早稻已收晚稻雖被吹偃
緣南風性暖仍然秀茂為此具摺恭

奏伏乞

皇上睿鑒施行謹

奏

知道了查明被災人民實力賑恤之閩省人船尤宜加
意撫安不可委遣一二怠忽屬員苟且從事李衛離浙
為時無幾地方上即有如許事故汝等亦當返躬內省

其心行也將此批諭同省大員皆令知之

同日又

奏為恭謝

天恩并繳

硃批奏摺事竊臣日前兩進

奏摺荷蒙我

皇上天恩隨事教訓加以

溫綸策勵感激之私淪肌浹髓茲於七月十二日接准

吏部咨開奉

旨李衛各任印務暫著性桂蔡仕舛等照前署理欽此

臣疊受我

皇上委任隆恩惟有勉竭駑駘於所奉

硃批諭旨終身服膺以圖報效於萬一伏查

臣前

奏之上虞縣試用知縣徐志定才力不勝劇任應行

調簡其縣缺已

題委試用人員晉德慧接署又海寧縣胡杲署山陰

縣沙漢鰲二員一暴戾一鈍軟前日督臣李衛進京時原公訂回任調換今督臣云因其徵糧尚好已

奏緩調以觀後效等語臣惟當時時督察冀其改愆倘再有劣蹟即不能姑容也浙西捕役窩賊縱竊幾成錮弊臣請加等治罪蒙我

皇上硃批俟李衛回浙再加商酌奏聞欽此遵與李衛商酌意見相合臣現在另摺恭

另有批諭在原摺內
奏所有前奉

硃批原摺各件理合呈繳再督臣李衛有幕客魯錦係
不知此人即係李衛來京帶來引見之人否
紹興人住京日久督臣云於初到浙任時

奏明帶來現借與臣辦事人甚謹樸從無家信來往
仍俟督臣回任送還合併附

奏伏乞

睿鑒謹

奏

覽

同日又

奏為請嚴捕役窩盜之禁以靖盜源事該臣看得安良莫要於弭盜而弭盜莫先於除窩平民為窩尚有捕役訪緝隣甲首報至於捕役為窩則根深蒂固隣甲不敢稽察同役復為護庇凡地方之時有盜賊竊發而莫能緝獲者皆由於蠹捕之包縱其情罪實比凡人為窩更甚臣請嗣後如有捕役存

留強盜在家坐地分贓者雖不同謀不問人贓多寡將本犯擬斬監候若不曾留歇在家但係知情婪收月規者不問人贓多寡將本犯擬絞監候雖遇

恩赦俱不准減免其知情存留竊賊在家分贓者雖不同謀一名杖一百流三千里二名充發伊蘭哈喇地方為奴至若三名以上及其中有得贓滿貫與所窩之賊有應問死罪者俱擬絞監候其不曾留

歇在家但係知情婪得月規者一名杖一百徒三年二名杖一百流三千里三名杖一百發邊衛充軍四名發極邊衛煙瘴地方充軍五名以上充發伊蘭哈喇地方為奴內有得贓滿貫及餽送之賊有至死罪者亦擬絞監候再惡捕有探定事主身自造謀行劫者不分行與不行亦照常人為首之例擬斬立決無庸更定外若不曾造意但與各賊同謀行劫應照傷人夥賊之例疏內聲明即行正

法不准減等其有造意為竊者雖賊未滿貫枷號
兩箇月責四十板充發伊蘭哈喇為奴若計贓至
一百二十兩以上及係先曾犯過坐分強竊盜贓
或婪收月規一次者俱擬絞立決共謀行竊者不
問得贓多寡枷號一箇月責四十板發極邊衛煙
瘴地方充軍其曾先犯坐分強竊盜贓或婪收月
規一次者枷號兩箇月充發伊蘭哈喇為奴俱於
論固有理但捕役非與盜合即與盜仇假若盜賊懷恨
文到之日出示曉諭至三月之外再有干犯事發

案案

誣舉則捕役不勝其荼毒矣此處再同李衛詳加

俱照此

分別治罪庶惡捕稍知儆惕不敢怙終而

斟酌

奏開凡事意見不可偏於一邊

盜賊失所憑依自當斂避矣再捕役緝拿盜賊到

案例應驗明並無私拷傷痕是正實盜賊尚不容

其拷打乃惡捕多聚匪黨或為幫役或為水手每

將良懦誣竊私拷得財則獻之惡捕甚有私拷斃

命者則商令夥黨一人承罪其正身惡捕反得脫

然事外應請嗣後如有捕役夥黨私拷致死人命

捕役即供不知情亦以為從論俾其不敢濫收匪

類暗行縱使而私拷弊端亦可以杜絕矣為此具
摺伏乞

皇上睿鑒敕部議覆施行謹

奏

向聞捕役往往私養一二積匪作眼有以賊捕賊之說
今若照議嚴行禁治則捕役將束手無策未必復能獲
賊恐皆遠避畏途頂充無人也

雍正七年閏七月二十三日浙江觀風整俗使署

理浙江巡撫印務臣蔡仕鼎謹

奏為三陳海塘情形事該臣看得海寧塘工劇險秋
汛潮勢尤衝經臣將勘過情形及兩次發銀備禦
情由先後會同署督臣性桂

題報在案今值閏七月正潮水大長之候潮頭東來
為漲沙所激由南迴漾復為一潮兩潮盤激高至
二丈有餘合攻塘身淤出塘面自初一至初五日
為初汛日期坍塌疊見因柴土預備足用文武員

弁隨坍隨修得保無虞又自十三日至十八日為
望汛潮勢必更高大衝決實為堪虞臣與署督臣
性桂商定分班往看臣隨於十四日親赴塘工稽
督十五日早晨係東南風及潮頭將至轉西北風
東來潮頭吹壓中江而流不近塘身惟南來潮頭
於護樁外撲散旋即向外而去十六七八等日俱
係如是臣連日遍歷東西兩塘目睹安瀾情形環
塘里民莫不以手加額頂戴

聖主福庇今十九日望汛已過潮當漸平臣因科塲期
邇回署辦理入關事宜其八月汛期有署督臣性
桂稽督且節過白露潮汛勢歛天氣向寒南風日
少不慮其鼓浪滾塘即有續坍不至大害今年秋
汛自可無虞但海中漲沙漸高塘根護沙盡洗實
有日險一日之勢防護不可稍疎而東塘之白牆
門念里亭一帶為東南潮頭相遇盤激處所震撼
尤甚現在惟有多備柴草鑲高培厚晝夜巡防遇

塌搶修將來秋汛已過尚須從長計議興工造築
期於一律堅固庶免來秋衝決之虞俟至期確估
定議具

奏合將現在保固情形先行奏

聞謹

奏

覽奏朕心不過暫時稍慰時復厯念不置海塘安危實
非人力所能勝然不敢明露此意於汝等何也極盡人

事尚恐不能保固倘汝等并屬員謂朕必不加罪遂爾膜外視之其險更可意料耶今不得已而有此諭蓋欲汝等體知

天道感應之理耳為大臣者克以忠誠上格屬員各有司以職任勤慎上格軍民士庶以風俗醇良上格果能如此上行下效敬信相孚實有以感動

神明則未有不轉危為安之理李衛在京陞見朕亦經痛加訓誨矣汝等可諄諄開導百姓萬勿妄生怨憾之心

在工人役切戒以穢污不潔致有褻瀆興工歇工皆諭
令望海叩禮其監工各員務飭其必誠必敬恪謹從事
上下齊心協力而為之豈特海塘可保無虞朕意必有
望外之嘉應也

雍正七年八月初六日浙江觀風整俗使署理浙
江巡撫印務臣蔡仕艸謹

奏為恭報拏獲江省積盜事竊有江南青浦縣巨盜
張興即金子良積年糾夥在於江省蘓松河內行

刼因嘉湖毗連時亦暗入為害著有蠻王綽號又號黃魚大王本年六月內准兩江督臣范時繹移咨通緝臣即分檄嚴飭文武員弁協緝務獲茲據烏程令薛景珏詳稱先獲該犯外母供出盜夥沈五張大金二三名獲禁湖郡供出張興同夥葉七邱七等現在平湖縣乍浦地方該令即專差移會署平湖縣撥役同嘉協外委千把總掩捕全獲現禁嘉郡起有烏鎗夾刀挫刀等兇器在案臣隨飛

飭嘉湖二府訊取各犯行劫次數確供續據該府等取供具詳前來臣查各盜所供尚未盡一必俟被劫各地方官覆查明確方成信案應將此十六犯俱照例留浙究審其江省有案州縣只可委員關供定案庶免解審中途逃脫之虞臣已咨明江省督撫二臣並行臬司究緝未獲夥黨分案追贓招解去後再查上年江省拏獲巨盜徐盛先亦稱黃魚大王是否與張興綽號相同抑係徐盛先冒

認其名現飭併訊張興確供附招聲明事關拏獲
積年大盜除恭疏

題報外合先繕摺謹

奏

覽奏捕獲積盜但不止於此數已也仍當不時留心訪
察嚴督緝拏斯乃保安良民之要務一日不可稍忽者
同日又

奏為奏明寧塘保固事本年八月初四日接江蘓布

政使臣高斌寄字內稱伊具

奏浙省年成豐收及海寧塘工情形蒙

皇上硃批好再傳諭與蔡仕舛等令著實敬慎預為防
備虔恭祈禱海神自有感效等因到臣欽此竊惟天
人感召之理屢奉

特旨頒示而我

皇上敬

天勤民念念出於至誠故

天眷神佑隨處皆有徵應今海寧塘工臣仰體

聖心敬慎預防虔恭祈禱當閏七月望汛一年潮頭最盛之時在塘各官莫不以現係東南風為慮及臣於十五日自尖山潮神廟祭禱回塘潮頭正起忽轉西北風吹向中流靈應昭然衆目咸睹迨臣自十九日回省半月以來通塘安穩此月初四日署督臣性桂自塘回省亦云潮勢甚平皆向中流等語但恐公誠之念不真切耳如果以為國為民之心虔感今年秋汛定可保固此皆

不以一己禍福之私祈禱可保必應以嘉徵也

聖德覃敷海神感效之明驗也至於秋汛過後應行勘

估修築以保來年臣當與司道各官悉心敬慎辦理以祈上慰

聖懷為此謹

奏

覽奏深慰朕之憂懷

雍正七年九月二十四日浙江觀風整俗使署理
浙江巡撫印務臣蔡仕艸謹

奏為恭繳

硃批奏摺事竊臣前奏早稻豐收并附奏閩省穀船在
温州洋面失風一摺欽奉

硃批諭旨教誨臣即密告同城大員共省心行交勉公
忠並將失風閩船嚴飭温州道府留心安撫去訖
查浙省早稻豐收業經臣

奏報在案目今晚稻現屆收成寒豆蕎麥亦俱茂盛
深慰朕懷
實係大有之年米價大減賤者不過八錢五分各

案補倉穀石現飭陸續收買新舊錢糧小民踴躍輸將海鹽秀水二縣本年已報全完其完至八九

分者甚多又臣恭謝

天恩摺內附奏督臣李衛以幕客魯錦借臣幕辦事欽奉

硃批臣遵查得督臣李衛帶至京師引

見者係杭州舉人潘兆新現在與督臣李衛同赴徐州如此甚好朕觀潘兆新才具甚屬平常此魯錦乃紹興布衣並非其人也所有奉到

硃批理合恭繳又奏據督臣李衛訪聞江浙閩廣有匪類結黨蒙我

皇上硃批示以有備無患之良謨臣等敬謹祇遵時刻
常有備則可以無患矣訪察現在浙屬地方甚是寧帖又奏據督臣李衛

咨稱東洋辦銅倭人仍循舊例蒙

皇上硃批臣等即錄送督臣李衛知照外查督臣原咨
係據商人俞孝行稱係第二番洋商俞吉枚與彼
國通事約定其中詳細委曲之處俟俞吉枚回棹

更可一一得其確耗等語臣訪查俞吉枚於八月
內回棹即喚到細詢據稱銅商東洋買賣舊例貨
物十分之中得銅四分今年二月內至島正值倭
人議減給銅一分六釐吉枚隨向通事宣揚

皇上聖德神威倭人咸知懼悔仍復四分給銅並議嗣
後每船多帶貨物二千兩伊願加給珠銅一百二
十箱從此銅筋充足商人獲利等語查與俞孝行
斯係極好之事

前稟督臣李衛之語更為確鑿合再密

奏以上防察匪類并東洋辦銅會奏二摺所奉

硃批係署督臣性桂祇領應聽性桂恭繳合併

奏明謹

奏

覽

雍正七年十二月十二日浙江觀風整俗使臣蔡

仕艮謹

奏為敬陳微臣巡歷所見仰祈

睿鑒事竊臣以菲材叨蒙

皇上擢授要職巡訪所至無刻不以吏治民生為兢兢
今年於三月內署理巡撫事務不能分身出巡至
十月初二日督臣李衛回任臣將署任事宜交明
隨於十一月初四日巡歷溫處二郡并渡海赴玉
環山由台州而回一路地方寧謐民情和樂現在
米價每石不過八錢內外各州縣新舊錢糧按順
莊新冊行滾單法納戶稱便現今尚在歲內報完

嘉悅

覽馬

者已二十縣即糧多如嘉興府屬七縣亦改昔年

逋欠之風敦急公全完之誼倉穀並皆陸續歸補

而玉環山周圍五百里中開平疇泉甘土沃昔棄荒地實為可惜今居民湊集日以蕃庶村落街市漸成規模城基已築但少經費完竣需時衙署倉庫俱備惟營房牆薄瓦稀不耐經久查係同知張坦熊經手每間只用工料銀三兩二錢未免過於節省以致草率當經面飭添修督臣李衛亦已飭

好

令加估修固矣臣每到郡縣赴明倫堂宣講

上諭申以告誡紳衿兵民環而聽者俱各懽欣率教間此一二輩即係下愚不移之流未甚革心猶屬包荒之

語既未革心必有未革面之形迹發露於外若訪有實

責外其餘良善益知奮勵至於保甲民壯俱已就

據當嚴懲之母稍寬縱以貽將來惡習之萌芽勉力爲緒營伍弁兵無復怠弛即如樂清大荆二營素稱之勿懈

不及今亦煥然可觀此皆

皇恩淪浹

此非朕訓誨涵濡之所致不過用得其人賴一實心任聖訓周詳涵濡鼓舞之所致臣惟有勤宣

事秉公持正之督臣李衛耳
德化申飭紀綱以稍盡職守於萬一耳所有巡歷情形

理合繕摺奏

聞伏乞

皇上睿鑒謹

奏

覽

雍正八年二月初八日浙江觀風整俗使臣蔡仕

肅謹

奏為奏叅罔利剝民之豪貢請

旨搜追以懲貪惡以快輿情事竊查浙省湖州府長興縣貢生趙璟貪橫不法臣經訪飭該府拏訊一面具摺奏

聞旋據受害邑民紛紛出控或告其霸據煤井或告其剝估田屋或告其吞占山地或告其私抽簾稅贓款多端必須嚴審始得吐實隨將趙璟捐貢事由照例咨部斥革檄府究審茲據該府詳稱該犯豪

橫一方蹟同光棍一奉訪拏羣情踴躍咸欲得而甘心雖所犯罪惡尚多匿情未吐而營私罔利為惡致富是實請將該犯所有壟斷貨財罰追以充修濬湖郡一帶漕港之用等情臣查趙璟一犯肆橫於長邑地方平日所有財產皆係占據煤利凌剝民膏之物現在告案鱗集自應逐款究擬追贓給還原主非僅擬罰所可蔽辜除批駁該府覆加確審按擬詳報外相應請

旨先將該犯產業資財盡數搜追入官內有應追出給
主者容俟定擬斷給其餘一切歸公以充湖郡修
濬淩港湖道之項倘有餘剩仍充別項使伊婪得
本地之財物盡追為本地之公用不得私自享用
庶足儆貪惡而快人心於地方公事亦有裨益矣
為此繕摺具

奏恭候

諭旨批示遵行謹

奏

汝所論雖是但若罪不至於籍沒未有將其田產盡數
搜追入官之理如云罰追資財留充本地方公用更不
應加入官二字此事朕如何批諭當會同督臣李衛詳
細商酌務令情法允當為是

雍正八年四月初六日浙江觀風整俗使臣蔡仕
卹謹

奏為據實陳奏仰祈

睿鑒事竊臣於本年二月初旬出巡嘉湖二郡一帶地方安恬民情和豫米穀充裕價值甚平雖春雨稍多經督臣李衛會臣等設壇祈禱旋即晴霽不至有妨春花各屬錢糧已有完至三四分四五分不等者至於二郡為江浙要衝營伍最關緊要湖州一協操演生疎尚不如太湖一小營之諳熟而該副將范宗堯性情驕縱過自矜詡臣詢督臣何以包容之故而督臣李衛云緣該將現在勉強操守

此地尚可拘住伊之悍性若止以狂妄忝究恐降
調他省為害匪細故未輕舉等語再者臣於三月
初旬回署有嘉興通判今陞湖廣襄陽府同知廖
坤者與臣同鄉因欲赴任來署稟辭對臣言伊近
蒙

皇上賜以摺匣

諭其查訪各省地方官吏并出其舉劾之摺稿示臣內
中首薦監生一名及候補同知潘銓布政司經歷

張彥珩二員而末後又開劾杭嘉湖道王欽福鹽
運分司徐有緯二員開薦知府同知副將遊擊等
六員稱此摺於三月初四日恭進又稱稿內所劾
二員謄清時已經刪去等語伏思為臣子者叨蒙
聖恩准令摺奏自當慎重謹密詎可矜誇漏洩以竊威
福今廖坤將密奏摺稿示臣臣不敢以同鄉稍為
徇隱理合據實密

奏仰祈

聖鑒謹

奏

覽奏嘉獎之懷不勝批諭內外大小臣工果皆人人如此以公忠不欺不隱之心協贊於朕朕復何憂何慮耶但三人行必有我師焉觀此無知小人之行為更當愼密自持常能以責人之心省己則為益良多矣

同日又

奏為敬籌秋審之法以防疎縱事竊臣查各府州縣

離省程途自數百里至千餘里不等每當秋審屆期解犯絡繹兵役護送奔走不遑雖鎖鑰原飭加謹而行走不無稍鬆有等幽囚日久每於解省在途思洩其桀驁之氣凌轢路人掠搶食物歷加嚴禁終難馴帖又自念罪無可逭一值曠野孤村兵役偶懈便思乘間走險往往或至兔脫臣愚竊謂斬絞重犯有已經秋審三次者其情罪已毫無疑義即使年年解審而到案別無可吐之供在途徒

有意外之虞請嗣後有秋審三次尚擬監候之犯再屆秋審只令該府縣敘由詳報臬司轉送督撫照依京師秋審之例核招具

題免其解審蓋案情久定無慮敘詳之失實招由具在即可按冊以叅稽既可杜重犯之免脫鳴張而於矜恤重典亦無所妨矣為此繕摺冒昧陳奏伏乞

皇上睿鑒勅部議覆施行謹

奏

所奏似乎近理候發廷臣再加詳議奏覆有旨



硃批諭旨卷六十七